



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Oliverii Florentii Waterloop Congreg. Oratorii B. Mariae  
Aspricol. Presbyteri Monita Spiritvalia Et Moralia  
Tetrastichis distincta**

**Waterloop, Oliverius F.**

**Antverpiae, 1657**

**Titulus XI. Sequere Deum.**

**urn:nbn:de:hbz:466:1-9689**

Illic potestas abdita  
Divinioris Numinis  
Repentè me circumdedit,  
Quam nescit admiratio.

Errando nimirum meus  
Eò volarat spiritus,  
Quò nulla cogitatio,  
Quò nulla mens pertingeret.

Nam fulgor ille mysticus  
Vim sensuum prætervolat:  
Hinc ergò mentis arceo,  
Et ingenI satagentiam.

Te, quæso, sic in liberi  
Immerge fundum spiritûs;  
Negotiosoque otio  
Da temporis vel horulam.

Hic increatam certius,  
Caliginosi luminis  
Obscura per vestigia,  
Cernes beatitudinem.

Quin à nihil cor abstrahe;  
Et illud offendes nihil,  
Quod, lingua quamvis nesciat,  
Sui relinquit symbola.

Hoc illa sola mens capit,  
Quæ cum voluptatum dolis  
Privata lucra negligit,  
Et singulare commodum.

s. Æternus æternum Pater  
Gignit quietus Filium:  
Vterque producit pari  
Parem quiete Spiritum.

Agit quiescendo Deus;  
Agens quiescit: hic idem  
Loquitur silens; silet loquens,  
Suique te vult æmulum.

Tu verba non solùm DEI  
Opusque, sed silentium  
Quoque & quietem, quâ potes  
Veneratione, suspice.

Quiescit, & silet Deus:  
Tui quies silentii  
DEI quietem æqualiter  
Honoret & silentium.

In luce pax, in pace lux,  
Et caritatis veritas:  
In pace lux, in luce pax,  
Et veritatis caritas.

In luce mentis est quies,  
Lux in quiete mentis est:  
In veritate caritas,  
In caritate veritas.

### Sequere D E U M.

1. T E subde legi Numinis,  
Teq; unus uni mancipa.  
Ni feceris; mens inquies  
Te prodet, & querulus dolor.

Vis cogitare, dicere,  
Etiam patrare grandia?  
Pare DEO: grande est opus  
Parere; nullum grandius.

T 2 Mun.

Mundana, providentia  
Curum sequuntur. Rex Deus  
In hoc triumphat: te juvet  
Regem triumphantem sequi.

Hæc sume, quæ dederit Deus;  
His quæ negârit, abstine.  
Tun' de Deo audeas queri?  
Iram time, quam proyocas.

Tranquillus ut sapias, Dei  
Notæ voluntati tuam  
Adjunge: cæli calculo  
Laudata, ne damnes tuo.

Hoc cogita; abs te quid Deus,  
Quid tu requiras à Deo:  
Qualem velis Deus tibi,  
Qualemque te velit Deus.

Fieri quod abs te vult Deus,  
Fieri que quo abs te vult modo,  
Et illud ipsum, & sic, age:  
Dei que gaude gaudium.

Id esse rectum judica,  
Quod judicat rectum Deus:  
Id esse credas optimum,  
Quod optimo placet Deo.

Non est satis, quod vult Deus,  
Id velle: restat, ut Dei  
Amore nil propriè velis,  
Quod non Deus per te velit.

Est, Christiane, opus tuum,  
Vnumque munus; quæ Dei  
Deposcit abs te jussio,  
Hæc cogitare, agere, & loqui.

Hanc unus unam rem gere,  
Vt gratiæ morem geras;  
Totâque mente rumines  
Quæ fecit, & docuit Deus.

In omnibus specta Deum,  
Dei que honorem, non tuum;  
Dei que velle, non tuum:  
Te semper, ut nihilum, vide.

Vt quod Deus vult, id velis,  
Dedisce velle quod soles:  
Amoris expers proprii,  
Divinioris est capax.

Est recta justi semita:  
Sapientis, & viri boni  
Hæc meta, finis, & scopus;  
Fiat voluntas ut Dei.

Nisi ad voluntatis bonæ  
Quadret voluntas regulam,  
Bona esse nequaquam potest.  
Hæc regula est: *Quod vult Deus.*

Acceptius cælo nihil,  
Nil gloriosius Deo,  
Homini nihil salubrius,  
Quam velle quidquid vult Deus.

Te quidquid à Deo abstrahit,  
Deo repugnat: quidquid est  
Quod ad bonum proprius trahit,  
Dei voluntateim puta.

Dei voluntateim ut tuam  
Ama, libensque perfice.  
Tuam voluntatem ut suam  
Amabit, & faciet Deus.

Est

Est dives ille, qui sui  
Animi magister, qui spei  
Metusque liber, nil, Deo  
Quod non sit acceptum, cupit.

Est magna res, pro Numinis  
Pugnare cultu: at illius  
Notæ voluntati arctius.  
Hærere, majus est opus.

Ostendit ad se tot Deus,  
Aperitque pulsanti vias;  
Tamquam nihil, præter tuae  
Animæ salutem, cogitat.

Te dede vel cæcum Deo;  
Remitte quod captum fugit:  
Rationis hæc remissio,  
Amoris est intensio.

Placidè velis, quod vult Deus:  
Quò ducit, ito: ni facis;  
Te vel reluctantem trahet,  
Suoque submittet jugo.

Quod velle noveris Deum;  
Si non voles, fac quod voles;  
Facies volendo quod voles,  
Nihil minus, quam quod voles.

Pugnare cessa Numinis;  
Tentasse profuit nihil;  
Traxit volentem te Deus;  
Aliò trahentem distrahet.

Vbi ad Deum, propter Deum,  
Tua dicta facta flexeris,  
Constans tibi custos erit;  
Dux & comes Sapientia.

Mens & manus quondam mea  
Nunc te vocanti Numinis  
Pare, & vocanti da manum;  
Hunc lauda, adora, suspice.

Oculique vos olim mei  
Subeste nunc tandem Deo;  
Lacrymæ fluentum fundite,  
Sordes quod antiquas lavet.

Vt mentis observes statum,  
Quæ cogitas, dicis, facis,  
Deo vidente, & hæc velut  
Iubente, fac, dic, cogita.

In omnibus quæ cogitas,  
Loqueris, facis, rectâ viâ  
Te ducat aurea Veritas,  
Auriga Caritas vehat.

Opus bonum, quod Numinis  
Succensus igne perficis,  
In cordis arcano sinu  
Suo opifici regnum parat.

Vt adjuveris cælitus,  
Tibi crede præsentem Deum;  
Te siste præsentem Deo:  
Quærit Deus, quos impletat.

Cùm magna se res pro DEI  
Offert agenda gloriâ,  
Hanc mentis altæ masculâ  
Devotione suscipe.

DEI scientis omnia  
Amore quod puro facis;  
Id gaudio faceres pari,  
Nescire, quod scires Deum.

T 3 Est

Est Christiani muneris  
Pars prima, si non unica,  
Studium animæ, & curatio,  
Ut grata vivat Numini.

Quando fatēris à DEO  
Habere te, tuos, tua;  
Quo jure te, tuos, tua  
DEUS reposcat, cogita.

Da, quod putas gratum, DEO;  
Tibi grata donabit DEUS:  
Fac sedulus, quæ sunt DEI,  
Faciet DEUS, quæ sunt tua.

Fac, quod DEO placet, bonum;  
Tibi quod placet, faciet DEUS:  
Hostem doma intus noxiū;  
Sternet DEUS, qui sunt foris.

Quidquid tuum dederis DEO,  
DEI est, priusquam sumpserit:  
Fur es tuorum (debitum  
Mirum) DEO nisi des tua.

2. Tria sunt columbæ symbola:  
Totum columbo, nil mihi:  
Hoc plus do, quod plus tollitur:  
Quâ voce lætor, ejulo.

Genium columbæ ut induas,  
Nihil tibi, totum DEO:  
Quod subtrahet plus, plus dabis;  
Sit luctus instar gaudii.

3. Totum tibi se dat DEUS:  
Huic liberè te, & integrè,  
Permitte, ut ipse in pectore  
Quiescat, & regnet tuo.

Sic te DEO da, consecra,  
Vt ille se dedit prior:  
Nihil reserves, quo tui  
Spes augeatur commodi.

DEI verenda puritas,  
Impura dona respuit:  
Tu tale da munus DEO,  
Quod possit & pauper dare.

Præbe DEO cor: nil DEO  
Est corde gratius tuo:  
Dat largiter, qui dat DEO  
Donare quod pauper queat.

Nihil beato Numini  
Est mente purâ acceptius:  
Hanc præter, offer quodlibet,  
Nihil DEO dignum dabis.

4. Si cùm potes DEO frui,  
Id negligis; palam facis,  
Quanto sit in pretio tibi  
Doni & datoris dignitas.

Animo vide, quā sit tua  
Ingrata pravaque indoles,  
Divina qui tot munera  
Oblivione transvolas.

Cùm stultus aurum respuit,  
Te corripit, cui unio  
Offertur: & largam manum,  
Ceu mente captus, abjicis?



Amor